

## חלק ז - 7

פרקים נ' עד נ"ז

נ . מזמור לְאָסָף, אֵל | אֱלֹהִים יְהוָה  
דָּבָר וַיִּקְרָא אֶרְצָן, מִמְזֹרַח-שָׁמֶשׁ עַד-  
מִבְּאוֹ: . מִצִּיּוֹן מְכַלְל־יָפִי, אֱלֹהִים  
הוֹפִיעַ: . יָבֹא אֱלֹהֵינוּ וְאֵל-יַחְרָשׁ, אִשׁ-  
לְפָנָיו תֹּאכַל, וְסָבִיבוּ נִשְׁעָרָה מְאֹד:  
וַיִּקְרָא אֶל-הַשָּׁמַיִם מֵעַל, וְאֶל-הָאָרֶץ  
לְדִין עַמּוֹ: . אֲסֹפוּ-לִי חֲסִידַי, כִּרְתֵי  
בְרִיתִי עָלַי-זָבַח: . וַיִּגִּדּוּ שָׁמַיִם צְדָקוֹ,  
כִּי-אֱלֹהִים | שִׁפְטָה הוּא סִלָּה: . שִׁמְעָה  
עַמִּי | וְאֲדַבְּרָה יִשְׂרָאֵל וְאֶעֱיֶדָה בָּךְ,  
אֱלֹהִים אֱלֹהֶיךָ אֲנֹכִי: . לֹא עַל-זִבְחֶיךָ  
אוֹכִיחֶךָ, וְעוֹלֹתֶיךָ לְנַגְדֵי תַמִּיד: . לֹא-  
אֶקַּח מִבֵּיתֶךָ פָּר, מִמִּכְלֵאתֶיךָ

עֲתוּדִים: כִּי־לִי כָּל־חַיִּתוֹיֶעֱרָ,  
 בְּהִמּוֹת בְּהַר־יֵאֱלֹף: יִדְעָתִי כָּל־עוֹף  
 הָרִים, וְזִיז שְׂדֵי עֲמָדַי: אִם־אֶרְעֵב,  
 לֹא־אֹמַר לָךְ, כִּי־לִי תִבֵּל וּמְלֹאָה:  
 הַאֹכֵל בְּשֵׁר אַבְיָרִים, וְדָם עֲתוּדִים  
 אֲשַׁתָּה: זָבַח לַאלֹהִים תוֹדָה, וְשִׁלָּם  
 לְעֶלְיוֹן נְדָרֶיךָ: וּקְרָאתִי בַיּוֹם צָרָה,  
 אֶחֱלָצֶךָ וּתְכַבְּדֵנִי: וְלָרָשָׁע אֶמַּר  
 אֱלֹהִים מַה־לָּךְ לְסֹפֵר חֲקֵי, וְתִשָּׂא  
 בְרִיתִי עָלֶיךָ: וְאַתָּה שָׁנֵאתָ מוֹסֵר,  
 וְתִשְׁלַךְ דְּבַר־יֵאֱחָרֶיךָ: אִם־רָאִיתָ גִּבּוֹר  
 וְהִרְיָץ עִמּוֹ, וְעַם מְנַאֲפִים חֲלָקָךְ: פִּיךָ  
 שָׁלַחַת בְּרָעָה, וְלִשׁוֹנְךָ תִצְמִיד מְרָמָה:  
 תִּישָׁב בְּאַחֶיךָ תְּדַבֵּר, בְּבֶן־אִמְךָ  
 תִתֵּן־דְּפִי: אֵלֶּה עֲשִׂיתָ | וְהִתְרַשְׁתִּי,

דְּמִיתַת הַיּוֹת־אֵהְיָה כְּמוֹךָ, אוֹכִיחֶךָ  
 וְאֶעְרָכָה לְעֵינֶיךָ: <sup>בב</sup> בֵּינוּ-נָא זֹאת שְׂכָחִי  
 אֱלֹהֵי, פֶּן-אֶטְרַף וְאִין מַצִּיל: <sup>בב</sup> זִכַּח  
 תּוֹדָה יְבַבְדָּנְנִי, וְשָׁם דְּרַךְ אֲרָאֲנוּ  
 בְּיַשַׁע אֱלֹהִים:

נָא לְמַנְצַחַת, מְזִמּוֹר לְדוֹד: <sup>בב</sup> בְּבוֹא־  
 אֵלָיו נָתַן הַנְּבִיא, כַּאֲשֶׁר-בָּא אֶל-  
 בַּת-שָׁבַע: <sup>בב</sup> חֲנִנִי אֱלֹהִים כְּחַסְדֶּךָ, כָּרֹב  
 רַחֲמֶיךָ מִחַה פְּשָׁעֵי: <sup>בב</sup> הָרֹב (הַרְבֵּה) כַּבְּסֵנִי  
 מִעֲוֹנִי, וּמַחֲטָאתִי טַהֲרֵנִי: <sup>בב</sup> כִּי-פְשָׁעֵי  
 אֲנִי אֲדַע, וְחַטָּאתִי נִגְדִי תָמִיד: <sup>בב</sup> לָךְ  
 לְבַדְּךָ | חַטָּאתִי וְהִרַע בְּעֵינֶיךָ עָשִׂיתִי,  
 לְמַעַן תִּצְדַּק בְּדַבְּרֶךָ, תִּזְכֶּה בְּשִׁפְטֶךָ:  
 הֵן-בְּעוֹן חוֹלְלָתִי, וּבְחַטָּא יַחֲמַתְנִי

אָמַי: הִן־אָמַת חֲפֻצֹת בַּטְּחוֹת וּבְסֹתָם  
חֲכָמָה תּוֹדִיעֵנִי: ט תַּחֲטְאֵנִי בְּאִזּוֹב  
וְאַטְהַר, תִּכְבְּסֵנִי וּמִשְׁלַג אֲלַבֵּין:  
. תִּשְׁמִיעֵנִי שְׁשׁוֹן וְשִׁמְחָה, תִּגְלָנָה  
עֲצָמוֹת דְּבִיתָ: י הַסֵּתֵר פָּנֶיךָ מִחֲטָאֵי,  
וְכֹל־עֲוֹנֹתַי מִיָּחָה: יב לֵב טָהוֹר בְּרָא־לִי  
אֱלֹהִים, וְרוּחַ נָכוֹן חִדַּשׁ בְּקֶרְבִּי: יג אֶל־  
תִּשְׁלִיכֵנִי מִלְּפָנֶיךָ, וְרוּחַ קִדְשְׁךָ אֶל־  
תִּקַּח מִמֶּנִּי: יד הַשִּׁיבָה לִּי שְׁשׁוֹן יִשְׁעֶךָ,  
וְרוּחַ נְדִיבָה תִּסְמְכֵנִי: טו אֲלַמְּדָה  
פִּשְׁעִים דְּרָכֶיךָ, וְחֲטָאִים אֵלֶיךָ יִשׁוּבוּ:  
טז הֲצִילֵנִי מִדְּמַיִם | אֱלֹהִים, אֱלֹהֵי  
תְּשׁוּעָתִי, תִּרְנֵן לְשׁוֹנֵי צְדָקָתְךָ: יז אֲדַנֵּי  
שִׁפְתַי תִּפְתָּח, וּפִי יִגִּיד תְּהִלָּתְךָ: יח כִּי |  
לֹא־תִחַפֵּץ זִבַּח וְאַתְנָה, עֹלָה לֹא

תִּרְצֶה: <sup>יט</sup> זְבַחֵי אֱלֹהִים רוּחַ נְשַׁבְּרָה,  
 לִב־נְשַׁבֵּר וְנִדְכָּה אֱלֹהִים לֹא תִבְּוֶה:  
 הַיְיִטִּיבָה בְּרִצּוֹנְךָ אֶת־צִיּוֹן, תִּבְּנֶה  
 חוֹמוֹת יְרוּשָׁלַם: <sup>כא</sup> אֲזִי תִחַפֵּץ זְבַחֵי־  
 צֶדֶק, עוֹלָה וְכֹלִיל, אֲזִי יַעֲלוּ עַל־  
 מִזְבְּחֶךָ פְּרִים:

נב \* לַמְנִצֶּחַ, מִשְׁכִּיל לְדָוִד: <sup>ב</sup> בְּבוֹא |  
 דָּוִד הָאֲדָמִי וַיֵּיגַד לְשֹׁאֵל, וַיֹּאמֶר לוֹ  
 בָּא דָוִד אֶל־בֵּית אַחִימֶלֶךְ: <sup>ג</sup> מֵה־  
 תִּתְהַלֵּל בְּרָעָה הַגְּבוּר, חֶסֶד אֵל כָּל־  
 הַיּוֹם: <sup>ד</sup> הַיּוֹת תִּחְשַׁב לְשׁוֹנֶךָ, כְּתֵעַר  
 מְלִטָּשׁ עֲשֵׂה רַמְיָה: <sup>ה</sup> אֶהְבֶּת רַע מְטוֹב,  
 שֶׁקֶר | מִדְּבַר צֶדֶק סָלָה: <sup>ו</sup> אֶהְבֶּת כָּל־  
 דְּבָרֵי־בַלַּע, לְשׁוֹן מְרָמָה: <sup>ז</sup> גַּם־אֵל

יִתְצַף לְנֹצֶת, יַחֲתֶף וַיִּסְחֶף מֵאֵהָל,  
 וַיִּשְׂרֹשֶׁף מֵאֶרֶץ חַיִּים סָלָה: ַ וַיִּרְאוּ  
 צַדִּיקִים וַיִּירְאוּ, וְעָלְיוּ יִשְׁחָקוּ: ֵ הִנֵּה  
 הַגִּבּוֹר לֹא יֵשִׁים אֱלֹהִים מְעוֹזוֹ, וַיִּבְטַח  
 בְּרַב עֲשָׂרוֹ, יַעֲזוּ בְּהוֹתוֹ: ַ וַאֲנִי | כְּזֵית  
 רֶעֶנָן בְּבֵית אֱלֹהִים, בְּטַחְתִּי בְּחֶסֶד־  
 אֱלֹהִים עוֹלָם וָעֶד: ַ אֲוֹדֶה לְעוֹלָם כִּי  
 עָשִׂיתָ, וַאֲקוּהָ שִׂמְךָ כִּי־טוֹב נִגְד  
 חֲסִידֶיךָ:

נג. לְמַנְצַח עַל־מַחֲלַת, מִשְׁכִּיל לְדוֹד:  
 ַ אָמַר נָבֵל בְּלָבוֹ אֵין אֱלֹהִים,  
 הַשְׁחִיתוֹ וְהִתְעִיבוֹ עוֹל, אֵין עֲשֵׂה־  
 טוֹב: ַ אֱלֹהִים מִשְׁמִים הַשְׁקִיף עַל־  
 בְּנֵי־אָדָם, לְרְאוֹת הַיֵּשׁ מִשְׁכִּיל הִרְש

אֶת־אֱלֹהִים: כִּלּוֹ סָג יַחַדּוֹ נֶאֱלָחוּ, אִין  
 עֲשֵׂה־טוֹב, אִין נִם־אָחַד: הֲלֹא יָדְעוּ  
 פְּעִלֵי אָוֶן, אֲכִלֵי עַמִּי אֲכָלוּ לֶחֶם,  
 אֱלֹהִים לֹא קָרְאוּ: שָׁם | פָּחַדוּ־פָחַד,  
 לֹא־הָיָה פָּחַד, כִּי־אֱלֹהִים פֶּזֶר  
 עֲצָמוֹת חֲנֹךְ, הִבִּישְׁתָּה כִּי־אֱלֹהִים  
 מְאָסָם: מִי יִתֵּן מְצִיּוֹן יִשְׁעוֹת יִשְׂרָאֵל,  
 בָּשׁוּב אֱלֹהִים שָׁבוֹת עִמּוֹ, יִגַּל יַעֲקֹב  
 יִשְׁמַח יִשְׂרָאֵל:

נִד \* לְמַנְצִיחַ בְּנִגִּינַת, מִשְׁכִּיל לְדוֹד:  
 בָּבוֹא הַזִּיפִים וַיֹּאמְרוּ לְשֹׂאוֹל, הֲלֹא  
 דוֹד מִסְתַּתֵּר עִמָּנוּ: אֱלֹהִים בְּשִׁמְךָ  
 הוֹשִׁיעֵנִי, וּבְגִבּוֹרֶתְךָ תְּדִינֵנִי: אֱלֹהִים  
 שְׁמַע תְּפִלָּתִי, הֲאִזְיִנָּה לְאֹמְרֵי־פִי: כִּי

זָרִים אֶקְמוּ עָלַי, וְעָרִיצִים בְּקָשׁוֹ נַפְשִׁי,  
 לֹא שָׁמוּ אֱלֹהִים לְנִגְדָם סָלָה: הִנֵּה  
 אֱלֹהִים עֵזֶר לִי, אֲדַנִּי בְּסֹמְכֵי נַפְשִׁי:  
 יָשִׁיב (יָשׁוּב) הָרַע לְשַׁרְרֵי, בְּאַמְתָּךְ  
 הַצְּמִיתָם: בְּנִדְבָה אֲזַבְּחָה לָּךְ, אֹדָה  
 שִׁמְךָ יְהוָה כִּי-טוֹב: כִּי מִכָּל-צָרָה  
 הֲצִילָנִי, וּבְאֵיבֵי רָאֲתָה עֵינָי:

נַה « לַמְּנִצָּח בְּנִגְיֵנָת, מִשְׁכִּיל לְדָוָד:  
 הַאֲזִינָה אֱלֹהִים תְּפִלָּתִי, וְאַל-תֵּת עֲלַם  
 מִתְחַנְתִּי: הַקְּשִׁיבָה לִי וְעֲנֵנִי, אֲרִיד  
 בְּשִׁיחֵי וְאֶהֱיָמָה: מִקּוֹל אוֹיֵב מִפְּנֵי  
 עֶקֶת רָשָׁע, כִּי-יִמִּטּוּ עָלַי אָוֶן וּבְאַף  
 יִשְׁטְמוּנִי: לְבִי יַחִיל בְּקֶרְבִּי, וְאִימֹת  
 מָוֶת נָפְלוּ עָלַי: יִרְאֶה וְרַעַד יִבֵּא בִּי,

וְהִכְסֵּנִי פְּלָצוֹת: ֶ וְאָמַר מִי־יִתֶּן־לִי  
אֲבָר כִּי־וָנָה, אָעוֹפָה וְאֲשַׁכְּנָה: ֶ הֲיִנְה  
אֶרְחִיק נְדוּד, אֶלֶיִן בַּמִּדְבָּר סָלָה:  
אֲחִישָׁה מִפְּלֹט לִי, מִרוּחַ סַעָה מִסַּעַר:  
בַּלַּע אֲדָנִי פֶּלַג לְשׁוֹנָם, כִּי־רָאִיתִי  
חָמָס וְרִיב בְּעִיר: ֶ יוֹמָם וְלַיְלָה יִסּוּבְּכָה  
עַל־חוֹמֹתֶיהָ, וְאֶזֶן וְעַמָּל בְּקִרְבָּה:  
יֵב הַיּוֹת בְּקִרְבָּה, וְלֹא־יִמִּישׁ מִרְחֻבָּה  
תֵּד וּמְרָמָה: ֶ כִּי לֹא־אוֹיֵב יַחְרֹפְנִי  
וְאִשָּׂא, לֹא־מִשְׁנָאִי עָלַי הַגְּדִיל וְאֶסְתֵּר  
מִמֶּנּוּ: ֶ וְאַתָּה אֲנֹשׁ כְּעֶרְכִּי, אֶלּוּפִי  
וּמִי־דַעִי: ֶ אֲשֶׁר יַחְדּוּ נִמְתִּיק סוּד,  
בְּבֵית אֱלֹהִים נְהַלֵּךְ בְּרִגְשׁ: ֶ יִשִּׁי מוֹתָא  
(יִשִּׁימוֹת) עָלֵימוֹ, יִרְדּוּ שְׂאוּל חַיִּים, כִּי־  
רְעוֹת בְּמַגּוֹרָם בְּקִרְבָּם: ֶ אֲנִי אֶל־

אֱלֹהִים אֶקְרָא, וַיְהוֹה יוֹשִׁיעֵנִי: ַּעֲרֹב  
 וּבִקֵּר וְצַהֲרִים אֲשִׁיחָה וְאֶהְמָה, וַיִּשְׁמַע  
 קוֹלִי: ַּפָּדָה בְּשָׁלוֹם נַפְשִׁי מִקָּרֵב-לִי,  
 כִּי-בָרְבִים הָיוּ עִמָּדִי: ַּיִּשְׁמַע | אֵל |  
 וַיַּעֲנֵם, וַיֵּשֶׁב קֶדֶם סֵלָה, אֲשֶׁר אֵין  
 חֲלִיפוֹת לָמוֹ, וְלֹא יֵרְאוּ אֱלֹהִים: ַּשְּׁלַח  
 יָדָיו בְּשִׁלְמוֹ, חֲלֵל בְּרִיתוֹ: ַּחֲלֶקְנוּ |  
 מִחֶמְאֵת פִּיּוֹ, וּקָרֵב-לְבוֹ, רַכּוּ דְבָרָיו  
 מִשְׁמֶן, וְהֵמָּה פְתֻחוֹת: ַּהַשְׁלִיךְ עַל-  
 יְהוָה | יְהַבֵּךְ וְהוּא יִכְלֶכְלֶךְ, לֹא-יִתֵּן  
 לְעוֹלָם מוֹט לְצַדִּיק: ַּוְאַתָּה אֱלֹהִים |  
 תִּזְרַדֵּם | לְבָאֵר שַׁחַת, אֲנִשִּׁי דָמִים  
 וּמְרָמָה לֹא-יִחַצּוּ יְמֵיהֶם, וְאַנִּי אֲבַטַח-  
 בָּךְ:

נו \* לַמְּנִצָּחַ | עַל-יוֹנֵת אֵלֶם רְחֻקִים,  
 לְדוֹד מִכְתָּם, בְּאַחֵז אוֹתוֹ פְּלִשְׁתִּים  
 בְּגֵת: חָנִי אֱלֹהִים כִּי-שָׁאֲפֵנִי אֲנוּשׁ,  
 כָּל-הַיּוֹם לֶחֶם יִלְחָצֵנִי: שָׁאֲפוּ שׁוֹרְרֵי  
 כָּל-הַיּוֹם, כִּי-רַבִּים לַחֲמִים לִי מָרוֹם:  
 יוֹם אִירָא, אֲנִי אֶלְיָךְ אֲבָטָח:  
 בַּאֱלֹהִים אֶהְלֵל דְּבָרוֹ, בַּאֱלֹהִים  
 בְּטַחְתִּי לֹא אִירָא, מִה-יַעֲשֶׂה בְּשָׂר  
 לִי: כָּל-הַיּוֹם דְּבָרֵי יַעֲצִבוּ, עָלַי כָּל-  
 מַחֲשַׁבְתָּם לָרַע: יָגוּרוּ | (יִצְפִּינוּ) יִצְפוּנוּ,  
 הִמָּה עֵקֶב־י יִשְׁמְרוּ, בְּאֲשֶׁר קוּוּ נַפְשֵׁי:  
 עַל-אֲזוֹן פִּלְט־לְמוֹ, בְּאֵף עַמִּים | הוֹרֵד  
 אֱלֹהִים: נְדִי סִפְרָתָה אָתָּה, שִׁימָה  
 דְּמַעְתִּי בְּנִאדָךְ הֵלֵא בְּסִפְרָתְךָ: אֲזוּ  
 יָשׁוּבוּ אוֹיְבֵי אַחֲזֹר בְּיוֹם אֲקִרָא, זֶה-

יִדְעָתִי כִּי-אֱלֹהִים לִי: «בְּאֱלֹהִים אֶהְיֶה  
 דְּבַר, בִּיהוָה אֶהְיֶה דְּבַר: «בְּאֱלֹהִים  
 בְּטַחְתִּי לֹא אִירָא, מִהַיְעֲשֶׂה אָדָם  
 לִי: «עָלֵי אֱלֹהִים נִדְרִיךָ, אֲשַׁלֵּם תּוֹדַת  
 לָךְ: «כִּי הֵצַלְתָּ נַפְשִׁי מִמָּוֶת, הֲלֹא רָגַלִי  
 מִדַּחִי, לְהַתְּהַלֵּךְ לִפְנֵי אֱלֹהִים בְּאוֹר  
 הַחַיִּים:

נו «לְמַנְצֶחַ אֶל-תְּשֻׁחַת, לְדָוִד מְכֹתָם,  
 בְּבָרְחוֹ מִפְּנֵי-שָׂאוֹל בַּמְּעָרָה: «חַנּוּנֵי  
 אֱלֹהִים | חַנּוּנֵי, כִּי בָךְ חָסְיָה נַפְשִׁי,  
 וּבְצֵל-כְּנָפֶיךָ אֶחְסֶה, עַד יַעֲבֹר הַזֹּזֹת:  
 אֶקְרָא לְאֱלֹהִים עֲלִיוֹן, לָאֵל גִּמֵר עָלַי:  
 יִשְׁלַח מְשָׁמַיִם | וַיּוֹשִׁיעֵנִי חֵרֶף שְׁאֵפֵי  
 סֶלָה, יִשְׁלַח אֱלֹהִים חֶסֶדּוֹ וְאַמְתּוֹ:

הַנְּפֹשִׁי אֶבְתוּךָ לְבָאֵם, אֲשֶׁכְּבֹה לַהֲטִים,  
 בְּנֵי-אָדָם שְׁנִיָּהֶם חֲנִית וְחַצִּים,  
 וְלִשׁוֹנָם חָרֵב חֲדָה: רֹמְמָה עַל-הַשָּׁמַיִם  
 אֱלֹהִים, עַל כָּל-הָאָרֶץ כְּבוֹדְךָ: רִשְׁתָּ אֶ  
 הַכִּינּוּ לְפַעֲמֵי, כָּפַף נַפְשִׁי, כָּרוּ לְפָנַי  
 שִׁיחָה, נָפְלוּ בְּתוֹכָהּ סֵלָה: נָכוֹן לְבִי  
 אֱלֹהִים, נָכוֹן לְבִי, אֲשִׁירָה וְאֶזְמָרָה:  
 עֹרָה כְּבוֹדִי, עֹרָה הַיִּבְל וְכִנּוֹר,  
 אֲעִירָה שָׁחַר: אֹדְךָ בְּעַמִּים אֶדְנִי,  
 אֶזְמָרְךָ בְּלְאֻמִּים: כִּי-גָדַל עַד-שָׁמַיִם  
 חֶסְדְּךָ, וְעַד-שָׁחַקִים אֶמְתָּךְ: רֹמְמָה  
 עַל-שָׁמַיִם אֱלֹהִים, עַל כָּל-הָאָרֶץ  
 כְּבוֹדְךָ: